

L'Unione Italiana con el sostegno de la Region Istriana, de la Città de Buie, de la Region Veneto, del Ministero de i Afari Esteri e de la Coperazion Internazional, del Consiglio per le minoranze nazionali de la Republica de Croazia e del Ufficio per i diritti de l'omo e i diritti dele minoranze nazionali de la Republica de Croazia bandisi el

### 13. Concorso video in tel ambito dela manifestazion

# FESTIVAL *dell'Istrogeneto*

## REGOLAMENTO

1. El concorso ga come scopo quel de documentar in istrogeneto un momento de la storia pasada o presente.

2. El concorso ze verto a tuti, solo no ai profesionisti, e ga do (2) categorie:

- **Categoria soto i 18 - under 18 \***  
sezion 1 – lavor individuale  
sezion 2 – lavor de grupo (masimo 5 persone)
- **Categoria sora i 18 - over 18 \***  
sezion 1 – lavor individuale  
sezion 2 – lavor de grupo (masimo 5 persone)

*\* ani fati (compiudi) al momento dela scadenza del concorso.*

3. I video che ne mandè no ga limiti de genere (documentario, intervista, fiction e quel che volè). El tema ze libero, ma el parlato devi eser istrogeneto, altrimenti no va ben.

4. Al concorso se pol mandar un (1) video che dura al masimo tre minuti.

5. Per mandar i lavori ze sai facile: basta andar sula pagina *istrogeneto.com* e là trovarè, soto *Concorsi – Concorso video* - do robe:

1. roba: el modulo con i dati de impinir;

2. roba: la delibera firmada dei genitori (per la categoria soto i 18 ani), o del autor (sora i 18 ani)

Per chi partecipa in te la sezion Lavori de grupo, la delibera devi eser firmada per ogni creatura che partecipa.

6. I lavori, insieme con el modulo dei dati e la delibera firmada, se pol mandar **fin a el 29 marzo 2024**, al indirizo de posta 'letronica: [cultura@unione-italiana.hr](mailto:cultura@unione-italiana.hr).

Per mandar i lavori se pol doperar anche We transfer o altre robe per mandar documenti pezanti.

7. I lavori sarà valutadi de una 'pozita giuria nominada dal'Unione Italiana e come dizi lori, cusì ze.
8. Per la Categoria soto i 18 – under 18, podarà eser dadi un primo, un secondo e un terzo premio, per ogni sezion. Per la Categoria sora i 18 – over 18, podarà eser dado un primo premio, per ogni sezion. In più, la Comision pol decider de dar una menzion a quei lavori meritevoli, ma no premiadi.

### **Categoria soto i 18 - under 18**

#### Sezion lavori individuali

Primo premio: 160,00 €

Secondo premio: 110,00 €

Terzo premio: 60,00 €

#### Sezion lavori de grupo

Primo premio: 200,00 €

Secondo premio: 150,00 €

Terzo premio: 100,00 €

### **Categoria sora i 18 - over 18**

#### Sezion lavori individuali

Primo premio: 200,00 €

#### Sezion lavori de grupo

Primo premio: 200,00 €

9. Su la data e el logo de consegna dei premi sarè informadi per tempo.
10. Tuti quei che manda el lavor, creature e maestri, i ciaparà un atestato de partecipazion. I maestri mentori ciaparà un „buono acquisto“ (un'altra parola no gavemo trovà).

## FESTIVAL DELL'ISTROVENETO 2024

### 13. CONCORSO VIDEO

#### *MODULO DE PARTECIPAZION*

<b>CATEGORIA*</b> (segnar in qualche modo) <i>*ani fati al momento dela scadensa del concorso</i>	A) UNDER 18 B) OVER 18
<b>SEZION</b> (segnar in qualche modo)	1. lavor individuale 2. lavor de grupo
<b>TITOLO DEL LAVOR</b>	
<b>AUTOR/-I</b>	
<b>INDIRIZO</b>	
<b>TELEFONO</b>	
<b>Indirizo de posta 'letronica</b>	
<b>Nome de l'istitution scolastica</b>	
<b>Insegnante mentore</b>	